

臨證指南醫案卷十

謝關李大瞻翰圃

古吳葉桂天士先生著 錫山華南田岫雲同較

邵銘新甫

幼科要略

按襁褓小兒。體屬純陽。所患熱病最多。世俗醫者。固知謂六氣之邪。皆從火化。飲食停畱。鬱蒸變熱。驚恐內迫。五志動極。皆陽。奈今時治法。初則發散解肌。以退表熱。仍混入消導。繼用清熱苦降。或兼下奪。再令病家禁絕乳。



臨證指南醫案目

卷十

幼科要略

痧疹

痘

疳

吐瀉

癰瘰

虫

集方

臨證指南醫案

卷十



此卷論幼科及看痘之法和平精切字字金玉可法可傳得
古人之真銓而融化之不愧名家聞此老太翁爲幼科專門
名聞遠近此老旣得家學淵源又於大方諸書採取經絡藥
性之義而附益之所以其理益精其方益正不若前所列之
諸案尙多可議處也

卷十

翻信能南醫案目



臨證指南醫案卷十

謝關李大瞻翰圃

古吳葉桂天士先生著 錫山華南田岫雲同較

邵銘新甫

幼科要略

按襁褓小兒。體屬純陽。所患熱病最多。世俗醫者。固知謂六氣之邪。皆從火化。飲食停畱。鬱蒸變熱。驚恐內迫。五志動極。皆陽。奈今時治法。初則發散解肌。以退表熱。仍混入消導。繼用清熱苦降。或兼下奪。再令病家禁絕乳。



乳雖不可禁絕
然大宜減少佐
以米飲不令生
痰爲妙

食每致胃氣索然。內風來乘。變見驚癇。告斃甚多。附記
世俗通套之方藥於左。不可不知。不足取法也。

防風 荊芥 葛根 前胡 桔梗 木通

赤芍 荀子 厚朴 陳皮 山查 麥芽

枳殼 神麴 鈎藤 夏佐香薷冬佐麻黃羌活

兩三日熱不解

柴胡 前胡 黃連 黃芩 山梔 連翹

薄荷 葛根 木通 鈎藤 厚朴 枳實

爪萆實 丸劑必用大黃

四五日不解。但言食滯未盡。表裏不和。總以柴芩小陷

錄出諸品藥戒
入不可輕用及
觀後幅所用之
藥仍不出此諸
味則前後相背
矣要知此等藥
總在用之得宜
不對症則用之
有害不必錄出
垂戒反啓後人
之疑也

胸若嘔逆煩渴用竹茹黃連半夏若痰多喘促卽用葶
塵杏仁蘇子荀子胆星貝母甚者加牛黃此皆套法所
當戒也。

屢清消不愈便無方法苟不變驚必曰骨蒸孩勞所用
藥餌不分氣血陰陽但知見症施治如早涼暮熱必用。

地骨皮 丹皮 生地 元參 甘草 北沙參

石斛 知母

有痰加

蘇子 杏仁 貝母 橘紅 胆星 桔梗

其鈎藤石斛茯苓穀芽之屬每劑必用總之取無故疲

藥待其自愈。倘有變症。希冀掩飾而已。

愚按嬰兒肌肉柔脆。不耐風寒。六腑五臟氣弱。乳汁難化。內外二因之病自多。然有非風寒竟致外感不停滯已屬內傷。其故何歟。嘗思人在氣交之中。春夏地氣之升。秋冬天令之降。呼出吸入。與時消息。間有穢濁吸入。卽是三焦受邪。過募原直行中道。必發熱煩躁。倘幼醫但執前藥。表散消導。清火通便。病輕或有倖成。病重必然顛覆。錢仲陽云。冀履不可近襁褓小兒。余言非無據矣。四十年來。治效頗多。略述其槩云。

夫春溫夏熱。秋涼冬寒。四時之序也。春應溫而反大寒。夏

應熱而反大涼。秋應涼而反大熱。冬應寒而反大溫。皆不正之乖氣也。病自外感。治從陽分。若因口鼻受氣。未必恰在足太陽經矣。大凡吸入之邪。首先犯肺。發熱咳嗽。口鼻均入之邪。先上繼中。咳喘必兼嘔逆。腹脹。雖因外邪。亦是表中之裏。設宗世醫發散陽經。雖汗不解。幼稚質薄。神怯。日期多延。病變錯綜。茲以四氣常法列左。

伏氣

春溫一症。由冬令收藏未固。昔人以冬寒內伏。藏於少陰。入春發於少陽。以春木內應肝胆也。寒邪深伏。已經化熱。昔賢以黃芩湯爲主方。苦寒直清裏熱。熱伏於陰。苦

味堅陰。乃正治也。知溫邪忌散。不與暴感門同法。若因
外邪先受。引動在裏伏熱。必先辛涼以解新邪。繼進苦
寒以清裏熱。況熱乃無形之氣。幼醫多用消滯攻治。有
形。胃汁先涸。陰液劫盡者多矣。

備用方

黃芩湯

葱豉湯

新邪引動伏邪

涼膈散

清心涼膈散

風溫

風溫者。春月受風。其氣已溫。經謂春氣病在頭。治在上焦。
肺位最高。邪必先傷。此手太陰氣分先病。失治則入手
厥陰心胞絡。血分亦傷。蓋足經順傳如太陽傳陽明人

皆知之。肺病失治逆傳心胞絡。幼科多不知者。俗醫見

身熱咳喘。不知肺病在上之旨。妄投荊防柴葛。加入

此亦未誤

朴杏蘇。葛子查麥。廣皮之屬。輒云解肌消食。有見痰喘

便用大黃礞石滾痰丸。大便數行。上熱愈結。幼穉穀少

胃薄。表裏苦辛化燥。胃汁已傷。復用大黃大苦。沉降丸

藥。致脾胃陽和傷極。陡變驚癇。莫救者多矣。

按此症風溫肺病。治在上焦。夫風溫春溫忌汗。初病投

亦須對症

劑。宜用辛涼。若雜入消導發散。不但與肺病無涉。劫盡

胃汁。肺乏津液。上供頭目。清竅徒爲熱氣薰蒸。鼻乾如

煤。目瞑。或上竄無淚。或熱深肢厥。狂躁溺瀉。胸高氣促。



正論

救非此不可

皆是肺氣不宣化之徵。斯時若以肺藥少加一味清降。使藥力不致直趨腸中。而上痺可開。諸竅自爽。無如城市庸醫。僉云結胸。皆用連萸柴枳。苦寒直降。致閉塞愈甚。告斃甚多。

按此症初因發熱喘嗽。首用辛涼清肅。上焦如薄荷連翹。牛蒡。象貝。桑葉。沙參。梔皮。萸皮。花粉。若色蒼熱勝。煩渴。用石膏。竹葉。辛寒清散。痧症亦當宗此。若日數漸多。邪不得解。苓連涼膈亦可選用。至熱邪逆傳入膈中。神昏目瞑。鼻竅無涕淚。諸竅欲閉。其勢危急。必用至寶丹。或牛黃清心丸。病減後餘熱。只甘寒清養胃陰足矣。

備用方葦莖湯

清心涼膈散

涼膈散

瀉白散

葶藶大棗湯

白虎湯

至寶丹

清心牛黃丸

竹葉石膏湯

喻氏清燥救肺湯

夏熱

夏爲熱病。然夏至已前。時令未爲大熱。經以先夏至病溫。後夏至病暑。溫邪前已申明。暑熱一症。幼醫易眩。夏暑發自陽明。古人以白虎湯爲主方。後賢劉河間創議。洵出諸家。謂溫熱時邪。當分三焦投藥。以苦辛寒爲主。若並無分六經者拘六經分症。仍是傷寒治法。致悞多矣。蓋傷寒外受之

大順散乃治暑
月傷冷之方也
何得連類及之

寒必先從汗解。辛溫散邪是已。口鼻吸入之寒。卽爲中寒。陰病治當溫裏。分三陰見症施治。若夫暑病。尙方甚少。皆因前人略於暑。詳於寒耳。考古如金匱暑暍症。因而潔古以動靜分中暑中熱。各具至理。茲不槩述。論幼科病暑。熱夾雜別病有諸。而時下不外發散消導。加入香薷一味。或六一散一服。考本草香薷辛溫發汗。能泄宿水。夏熱氣閉無汗。渴飲停水。香薷必佐杏仁。以杏仁苦降泄氣。大順散取義若此。長夏濕令。暑必兼濕。暑傷氣分。濕亦傷氣。汗則耗氣。傷陽胃汁大受劫燥。變病由此甚多。發泄司令裏真自虛。張鳳達云。暑病首用辛

妙法

涼。繼用甘寒。再用酸泄。酸歛不必用下。可稱要言不煩矣。然幼科因暑熱蔓延。變生他病。茲摘其槩。

受熱厥逆

夏令受熱。昏迷若驚。此爲暑厥。卽熱氣閉塞孔竅所致。其邪入絡。與中絡同法。牛黃丸至寶丹。芳香利竅。可效。神甦以後。用清涼血分。如連翹。心竹葉。心玄參。細生地。鮮生地。二冬之屬。此症初起。大忌風藥。初病暑熱傷氣。竹葉石膏湯。或清肺輕劑。大凡熱深厥深。四肢逆冷。但看面垢齒燥。二便不通。或瀉不爽。爲是大忌。誤認傷寒也。

疳



幼兒斷乳納食。值夏月脾胃主氣。易於肚膨泄瀉。頭熱。手足心熱。形體日瘦。或煩渴善食。漸成五疳積聚。當審其之強弱。病之新久。有餘者當疏胃清熱。食入糞色白。或不化。當健脾佐消導清熱。若濕熱內鬱。蟲積腹痛。導滯驅蟲微下之。緩調用肥兒丸之屬。

口疳

夏季秋熱小兒泄瀉。或初愈未愈。滿口皆生疳。齧嘗有阻塞咽喉致危者。此皆在裏濕盛。生熱熱氣蒸灼津液不升。濕熱偏傷氣分。治在上焦。或佐淡滲。世俗常刮西瓜翠衣治疳。取其輕揚滲利也。

脹

夏季濕熱鬱蒸。脾胃氣弱。水穀之氣不運。溫着內蘊爲熱。漸至浮腫腹脹。小水不利。治之非法。水濕久漬。逆行犯肺。必生咳嗽喘促。甚則坐不得臥。俯不能仰。危期速矣。大凡喘必生脹。脹必生喘。方書以先喘後脹者治在肺。先脹後喘者治在脾。亦定論也。金匱有風水皮水石水正水黃汗。以分表裏之治。河間有三焦分消。子和有磨積逐水。皆有奧義。學者不可不潛心體認。難以槩述。閱近代世俗論水濕喘脹之症。以內經開鬼門取汗爲表治。分利小便潔淨府爲裏治。經旨病能篇。謂諸濕腫滿。

皆屬於脾。以健脾燥濕爲穩治。治之不效。技窮束手矣。
不知凡病皆本乎陰陽。通表利小便。乃宣經氣利腑氣。
是陽病治法。暖水臟溫脾腎。補方以驅水。是陰病治法。
治肺痺以輕開上。治脾必佐溫通。若陰陽表裏乖違。臟
眞日漓。陰陽不運。亦必作脹。治以通陽。乃可奏績。如局
方禹餘糧丸。甚至三焦交阻。必用分消。腸胃窒塞。必用
下奪。然不得與傷寒實熱同例。擅投硝黃枳朴。擾動陰
血。若太陰脾臟飲濕阻氣。溫之補之。不應欲用下法。少
少甘遂爲丸可也。其治實症。選用方法。備採。

備用方葶藶大棗湯

瀉白散

大順散